

佛说观弥勒菩萨上生兜率陀天经讲要 科判

宋居士沮渠京声 译 太虚法师 二十一年七月在武昌佛教正信会讲

释道净 整理 20220907 1 稿 qq 973451196 校对

表 0: (表) 总表

科判					经文				
悬论 分二	一释题目				佛说观弥勒菩萨上生兜率陀天经				
	二明纲要分四	甲净土存在之理							
		乙求生净土之意义							
		丙十方佛菩萨净土甚多							
		丁兜率净土之殊胜							
释经 分三	甲一序起分分二（表1）					乙一证信序			
						乙二发起序			
	乙一外果分二	丙一启请（表1）							
		丙二解说分三	丁一总答（表1）						
			丁二别说分二	戊一广 详分三	己一诸天造外宫殿（表2）				
					己二大神建善法堂（表2）				
					己三五大神庄严内外（表3）				
				戊二终结（表3）					
			丁三结成正观（表3）						
	乙二内果分三	丙一启请（表3）							
		丙二解说分三	丁一正说弥勒上生分二（表3）	戊一此没					
				戊二彼生分六	己一明上生殊胜				
					己二明色身殊胜				
					己三明冠现化佛				
					己四明相好光明				
					己五明说法利益				
			己六明下生年代						
			丁二详说往生修行法门分二	戊一别明三品往生众分三（表4）	己一弟子修六事上品生分六		庚一修行		
							庚二发愿		
							庚三往生		
							庚四天赞		
							庚五生后利益		
					庚六结成				
		己二众部生喜敬中品生							
		己三犯戒者忏悔下品生分三		庚一明忏悔					
				庚二明往生					
				庚三明得益					
		戊二举德普劝往生分三（表5）			己一明普作皈依				
					己二示观行				
					己三灭罪业				
		丁三闻法发愿上生（表5）							
		丙三结成正观（表5）							
	甲三流通分（表5）								

表 1: (5 表)

			科判	经文
悬论分二			一释题目	佛说观弥勒菩萨上生兜率陀天经
			二明纲要分四	甲净土存在之理
				乙求生净土之意义
				丙十方佛菩萨净土甚多
				丁兜率净土之殊胜
释经分三	甲一序起分分二		乙一证信序	<p>如是我闻：</p> <p>一时，佛在舍卫国祇树给孤独园。</p> <p>尔时，世尊于初夜分举身放光，其光金色，绕祇陀园周遍七匝，照须达舍亦作金色，有金色光犹如霞云。</p> <p>遍舍卫国处处皆雨金色莲华，其光明中有无量百千诸大化佛，皆唱是言：</p> <p>‘今于此中有千菩萨，最初成佛名拘留孙，最后成佛名曰楼至’。</p> <p>说是语已，尊者阿若憍陈如即从禅起，与其眷属二百五十人俱；</p> <p>尊者摩诃迦叶，与其眷属二百五十人俱；</p> <p>尊者大目犍连，与其眷属二百五十人俱；</p> <p>尊者舍利弗，与其眷属二百五十人俱；</p> <p>摩诃波闍波提比丘尼，与其眷属千比丘尼俱；</p> <p>须达长者，与三千优婆塞俱；</p> <p>毗舍佉母，与二千优婆夷俱；</p> <p>复有菩萨摩诃萨名跋陀婆罗，与其眷属十六菩萨俱；</p> <p>文殊师利法王子，与其眷属五百菩萨俱；</p> <p>天、龙、夜叉、干闥婆等一切大众，睹佛光明，皆悉云集。</p>
				<p>尔时，世尊出广长舌相，放千光明，一一光明各有千色，一一色中有无量化佛。</p> <p>是诸化佛异口同音，皆说清净诸大菩萨甚深不可思议诸陀罗尼法，所谓：</p> <p>阿难陀目佉陀罗尼，空慧陀罗尼，无碍性陀罗尼，大解脱无相陀罗尼。</p> <p>尔时，世尊以一音声说百亿陀罗尼门。</p> <p>说此陀罗尼已，尔时会中有一菩萨，名曰弥勒，闻佛所说，应时即得百万亿陀罗尼门。</p> <p>即从座起，整衣服，叉手合掌住立佛前。</p>
	甲二正说分分二	乙一外果分二	丙一启请	<p>尔时，优波离亦从座起，头面作礼而白佛言：</p> <p>‘世尊！世尊往昔于毗尼中及诸经藏说，阿逸多次当作佛。</p> <p>此阿逸多，具凡夫身，未断诸漏，此人命终当生何处？其人今者虽复出家，不修禅定，不断烦恼，佛记此人成佛无疑，此人命终生何国土’？</p>
			丙二解说分三	<p>丁一总答</p> <p>佛告优波离：</p> <p>‘谛听！谛听！善思念之！</p> <p>如来、应、正遍知，今于此众说弥勒菩萨摩诃萨阿耨多罗三藐三菩提记。</p> <p>此人从今十二年后，命终必得往生兜率天上。’</p>

表 2: (5 表)

释经分三	甲二正说分分二	乙一外果分二	丙二解说分三	丁二别说分二	戊一广详分三	己一诸天造外宫殿	<p>‘尔时，兜率陀天上有五百亿天子，一一天子皆修甚深檀波罗密，为供养一生补处菩萨故，以天福力造作宫殿，各各脱身旃檀摩尼宝冠，长跪合掌发是愿言：</p> <p>“我今持此无价宝珠及以天冠，为供养大心众生故，此人来世不久当成阿耨多罗三藐三菩提，我于彼佛庄严国界得受记者，令我宝冠化成供具”！</p> <p>如是诸天子等各各长跪发弘誓愿，亦复如是。</p> <p>时诸天子作是愿已，是诸宝冠化作五百亿宝宫；</p> <p>一一宝宫有七重垣；一一垣七宝所成；</p> <p>一一宝出五百亿光明；一一光明中有五百亿莲华；</p> <p>一一莲华化作五百亿七宝行树；一一树叶有五百亿宝色；</p> <p>一一宝色有五百亿阎浮檀金光；</p> <p>一一阎浮檀金光中出五百亿诸天宝女；</p> <p>一一宝女住立树下，执百亿宝无数璎珞，出妙音乐。</p> <p>时音乐中，演说不退转地法轮之行。</p> <p>其树生果，如玻璃色，一切众色入玻璃色中。</p> <p>是诸光明右旋宛转，流出众音，众音演说大慈大悲法。</p> <p>一一垣墙高六十二由旬，厚十四由旬；</p> <p>五百亿龙王围绕此垣，一一龙王雨五百亿七宝行树，庄严垣上。</p> <p>自然有风，吹动此树，树相振触，演说苦、空、无常、无我诸波罗蜜。’</p>
						己二大神建善法堂	<p>‘尔时，此宫有一大神，名牢度跋提，即从座起，遍礼十方佛，发弘誓愿：</p> <p>“若我福德应为弥勒菩萨造善法堂，令我额上自然出珠”！</p> <p>既发愿已，额上自然出五百亿宝珠，琉璃、玻璃一切众色无不具足，如紫绀摩尼表里映彻。</p> <p>此摩尼珠，回旋空中，化为四十九重微妙宝宫；</p> <p>一一栏楯，万亿梵摩尼宝所共合成；</p> <p>诸栏楯间，自然化生九亿天子，五百亿天女；</p> <p>一一天子手中，化生无量亿万七宝莲华；</p> <p>一一莲华上，有无量亿光；</p> <p>其光明中具诸乐器，如是天乐不鼓自鸣；</p> <p>此声出时，诸女自然执众乐器竞起歌舞，所咏歌音演说十善、四弘誓愿，诸天闻者皆发无上道心。</p> <p>时诸垣中有八色琉璃渠，一一渠有五百亿宝珠而用合成；</p> <p>一一渠中有八味水，八色具足，其水上涌绕梁栋间。</p> <p>于四门外化生四华，水出华中如宝华流。</p> <p>一一华上有二十四天女，身色微妙，如诸菩萨庄严身相；</p> <p>手中自然化五百亿宝器，一一器中诸天甘露自然盈满；</p> <p>左肩荷佩无量璎珞，右肩复负无量乐器，如云住空，从水而出，赞叹菩萨六波罗密。</p> <p>若有往生兜率天上，自然得此天女侍御。</p> <p>亦有七宝大狮子座，高四由旬，阎浮檀金无量众宝以为庄严。</p> <p>座四角头生四莲华，一一莲华百宝所成，一一宝出百亿光明，其光微妙，化为五百亿众宝杂华庄严宝帐。</p> <p>时十方面百千梵王，各各持一梵天妙宝以为宝铃，悬宝帐上。</p> <p>时小梵王，持天众宝以为罗网，弥覆帐上。</p> <p>尔时，百千无数天子天女眷属，各持宝华以布座上。</p> <p>是诸莲华自然皆出五百亿宝女，手执白拂，侍立帐内。</p> <p>持宫四角有四宝柱，一一宝柱有百千楼阁，梵摩尼珠以为交络；</p> <p>时诸阁间，有百千天女，色妙无比，手执乐器，其乐音中演说苦、空、无常、无我诸波罗密。</p> <p>如是天宫，有百亿万无量宝色，一一诸女亦同宝色’。</p>

表 3: (5 表)

释经分三	甲二正说分二	乙一外果分二	丙二解说分三	丁二别说分二	戊一广详分三	己三五大神庄严内外	<p>‘尔时，十方无量诸天命终，皆愿往生兜率天宫。</p> <p>时兜率天宫有五大神：</p> <p>第一大神名曰宝幢，身雨七宝散宫墙内，一一宝珠化成无量乐器，悬处空中，不鼓自鸣，有无量音适众生意。</p> <p>第二天神名曰华德，身雨众华弥覆宫墙，化成华盖，一一华盖百千幢幡以为导引。</p> <p>第三大神名曰香音，身毛孔中雨出微妙海此岸栴檀香，其香如云作百宝色，绕宫七匝。</p> <p>第四大神名曰喜乐，雨如意珠，一一宝珠自然住在幢幡之上，显说无量归佛、归法、归比丘僧，及说五戒、无量善法、诸波罗密，饶益劝助菩提意者。</p> <p>第五大神名曰正音声，身诸毛孔流出众水，一一水上有五百亿华，一一华上有二十五玉女，一一玉女身诸毛孔出一切音声，胜天魔后所有音乐’。</p>
							<p>佛告优波离：</p> <p>‘此名兜率陀天十善报应胜妙福处，若我住世一小劫中广说一生补处菩萨报应及十善果者，不能穷尽，今为汝等略而解说’。</p>
							<p>佛告优波离：‘若有比丘及一切大众不厌生死乐生天者，爱敬无上菩提心者，欲为弥勒作弟子者，当作是观。</p> <p>作是观者，应持五戒、八斋、具足戒，身心精进，不求断结，修十善法；一一思惟兜率陀天上妙快乐。</p> <p>作是观者名为正观，若他观者名为邪观’。</p>
							<p>尔时，优波离即从座起，整衣服，头面作礼，白佛言：</p> <p>‘世尊！兜率陀天上乃有如是极妙乐事，今此大士何时于阎浮提没生于彼天’？</p>
							<p>佛告优波离：</p> <p>‘弥勒先于波罗捺国、劫波利村、波婆利大婆罗门家生，却后十二年二月十五日，还本生处结跏趺坐如入灭定。</p> <p>身紫金色，光明艳赫如百千日，上至兜率陀天。</p> <p>其身舍利如铸金像，不动不摇，身圆光中有首楞严三昧，般若波罗密字义炳然。</p> <p>时诸人天，寻即为起众宝妙塔，供养舍利。</p>
							<p>‘时兜率陀天七宝台内，摩尼殿上狮子床座，忽然化生于莲华上，结跏趺坐。’</p>
							<p>‘身如阎浮檀金色，长十六由旬，三十二相、八十种好皆悉具足，顶上肉髻，发绀琉璃色，释迦毗楞伽摩尼百千亿甄叔迦宝以严天冠。’</p>
							<p>‘其天宝冠有百万亿色，一一色中有无量百千化佛，诸化菩萨以为侍者；</p> <p>复有他方诸大菩萨，作十八变，随意自在住天冠中。’</p>
							<p>‘弥勒眉间有白毫相光，流出众光作百宝色；</p> <p>三十二相，一一相中五百亿宝色；</p> <p>一一好亦有五百亿宝色；</p> <p>一一好相艳出八万四千光明云。’</p>
							<p>‘与诸天子各坐华座，昼夜六时常说不退转地法轮之行。</p> <p>经一时中，成就五百亿天子令不退转于阿耨多罗三藐三菩提。</p> <p>如是处兜率陀天，昼夜恒说此不退转法轮，度诸天子。’</p>
释经分三	甲二正说分二	乙二明内果分三	丙二解说分三	丁一正说弥勒上生分二	戊二彼生分六	己六明下生年代	<p>‘阎浮提岁数五十六亿万岁，尔乃下生于阎浮提，如弥勒下生经说’。</p>

表 4: (5 表)

释经分三	甲二正说分分二	乙二明内果分三	丙二解说分三	丁二详说往生修行法门分二	戊一别明三品往生众分三	己一弟子修六事上品生分六	庚一修行	佛告优波离： ‘是名弥勒菩萨于阎浮提没生兜率陀天因缘。 佛灭度后，我诸弟子若有精勤修诸功德，威仪不缺，扫塔涂地，以众名香妙华供养，行众三昧，深入正受，读诵经典。’
							庚二发愿	‘如是等人，应当至心，虽不断结如得六通。 应当系念念佛形像，称弥勒名。 如是等辈，若一念顷受八戒斋，修诸净业，发弘誓愿。’
							庚三往生	‘命终之后，譬如壮士屈伸臂顷，即得往生兜率陀天，于莲华上结跏趺坐。’
							庚四天赞	‘百千天子作天伎乐，持天曼陀罗华、摩诃曼陀罗华以散其上，赞言： “善哉！善哉！善男子！汝于阎浮提广修福业来生此处，此处名兜率陀天，今此天主名曰弥勒，汝当归依”！’
							庚五生后利益	‘应声即礼，礼已，谛观眉间白毫相光，即得超越九十亿劫生死之罪。 是时菩萨随其宿缘为说妙法，令其坚固不退转于无上道心。’
							庚六结成	‘如是等众生，若净诸业行六事法，必定无疑当得生于兜率天上，值遇弥勒； 亦随弥勒下阎浮提，第一闻法。 于未来世值遇贤劫一切诸佛，于星宿劫亦得值遇诸佛世尊，于诸佛前受菩提记’。
						己二众部生喜敬中品生		佛告优波离： ‘佛灭度后，比丘、比丘尼、优婆塞、优婆夷、天、龙、夜叉、干闥婆、阿修罗、迦楼罗、紧那罗、摩睺罗伽等，是诸大众若有得闻弥勒菩萨摩訶萨名者，闻已欢喜、恭敬、礼拜，此人命终，如弹指顷即得往生，如前无异。 但得闻是弥勒名者，命终亦不堕黑暗处、边地、邪见、诸恶律仪； 恒生正见，眷属成就，不谤三宝’。
						己三犯戒者忏悔下品生分三	庚一明忏净	佛告优波离： ‘若善男子、善女人，犯诸禁戒，造众恶业，闻是菩萨大悲名字，五体投地诚心忏悔，是诸恶业速得清净。 未来世中诸众生等，闻是菩萨大悲名称，造立形像，香、华、衣服、缯、盖、幢、幡，礼拜、系念：
							庚二明往生	‘此人命欲终时，弥勒菩萨放眉间白毫大人相光，与诸天子雨曼陀罗华来迎此人，此人须臾即得往生。’
							庚三明得益	‘值遇弥勒，头面礼敬，未举头顷便得闻法，即于无上道得不退转，于未来世得值恒河沙等诸佛如来’。

表 5: (5 表)

释经分三	甲二正说分分二	乙二明内果分三	丙二解说分三	丁二详说往生修行法门分二	戊二举德普劝往生分三	己一明普作皈依	佛告优波离： ‘汝今谛听！ 是弥勒菩萨于未来世当为众生作大归依处！ 若有归依弥勒菩萨者，当知是人于无上道得不退转。 弥勒菩萨成多陀阿伽度、阿罗诃、三藐三佛陀时，如此行人，见佛光明即得授记’。
						己二示观行	佛告优波离： ‘佛灭度后，四部弟子、天、龙、鬼、神，若有欲生兜率陀天者，当作是观： 系念思惟，念兜率陀天，持佛禁戒，一日至七日思念十善，行十善道，以此功德回向愿生弥勒前者，当作是观。’
						己三灭罪业	‘作是观者，若见一天人、见一莲华，若一念顷称弥勒名，此人除却千二百劫生死之罪。 但闻弥勒名，合掌恭敬，此人除却五十劫生死之罪。 若有礼敬弥勒者，除却百亿劫生死之罪。 设不生天，未来世中龙华菩提树下，亦得值遇发无上心’。
				丁三闻法发愿上生		说是语时，无量大众即从座起，顶礼佛足、礼弥勒足，绕佛及弥勒菩萨百千匝。 未得道者，各发誓愿： ‘我等天人八部，今于佛前发诚实誓，愿于未来世值遇弥勒，舍此身已皆得上生兜率陀天’！ 世尊记曰： ‘汝等及未来世修福持戒，皆当往生弥勒菩萨前，为弥勒菩萨之所摄受’。	
				丙三结成正观		佛告优波离： ‘作是观者，名为正观； 若他观者，名为邪观’。	
				甲三流通分		尔时，尊者阿难即从座起，叉手长跪白佛言： ‘世尊！善哉世尊！ 快说弥勒所行功德，亦记未来世修福众生所得果报，我今随喜。 唯然！世尊！ 此法之要云何受持？ 当何名此经’？ 佛告阿难： ‘汝持佛语，慎勿忘失！ 为未来世开生天路，示菩提相，莫断佛种。 此经名弥勒菩萨般涅槃，亦名观弥勒菩萨生兜率陀天劝发菩提心，如是受持’！ 佛说是语时，他方来会十万菩萨得首楞严三昧，八万亿诸天发菩提心，皆愿随从弥勒下生。 说是语时，四部弟子、天龙八部，闻佛所说，皆大欢喜，礼佛而退。	